

東華續錄

嘉慶八

臣王先謙敬編

臣周潤
翰恭校

秋七月辛酉諭軍機大臣等倭什布奏各股賊匪共有萬餘人分
路撲卡經各員弁奮勇迎勦自遊擊以至把總陣亡者共有七員
兵丁傷亡者亦多可見堵禦不爲不力總緣楚省邊界兵單寡不
敵衆而川省官兵不能堅躡追勦予以暇以致匪衆闌入非倭
什布之過實勒保之咎也勒保身爲總略川楚陝豫軍務皆應通
盤籌畫今賊匪竄出川省而勒保即置之不顧如此漫無調度尙
得謂之經略耶勒保著傳旨嚴行申飭並著查明奔竄楚省之李
樹徐添德張起貴宋璧子四股見在究係何人追勦卽令各帶原
有之兵速赴竹山竹谿幫同倭什布奮力截擊若能殲盡此四股

東華續錄

嘉慶八

賊匪則該員等縱令川匪入楚之罪尙可自贖儻在觀望怠玩必按軍律治罪再前據松筠等奏官兵勦賊爲時已久衣敝履穿並有用牛皮裹足者朕閱之深爲憐惻軍需動支款項有一定則例原不許額外濫用但亦不可因例難開銷過事苛刻今從征者前有鋒鏑之危後有饑寒之困何以使之效命疆場克敵致果耶軍營一切賞需自應略爲寬裕加之體恤使士馬飽騰人思敵愾而發揚蹈厲之氣更可壯軍容而寒賊膽果大功速竣卽有例外動用之項朕自當酌覈情節特加恩准○癸亥勒保奏總兵官朱射斗殲斃賊首包正洪得旨嘉獎賞朱射斗騎都尉世職兵丁一月錢糧○乙丑諭三法司衙門具題浙江省民人汪應鳳毆傷胞兄汪應隴身死前聲明救母情切一案經內閣票擬斬決及斬候雙鐵請旨固皆係按律辦理今朕詳閱案情汪應隴因伊母袒護幼

子將應出養贍食穀不給其母並出言頂撞經朱氏嚷罵扭結汪應龍輒敢將其母推跌壓住用手揪按胸衣經汪應鳳往拉仍不放手汪應鳳見其母面脹氣塞喊不出聲情急用拳向毆汪應龍移時殞命是汪應龍之蔑倫肆逆殊爲兇橫可惡汪應鳳往拉不放見其母面脹氣塞事在危急用拳向毆實屬出於迫切以情急救母之人斃忤逆不孝之犯固不得以尋常毆死胞兄論卽改擬斬候亦尙覺情節可憫汪應鳳著免死改爲滿流定地發配且閱案內伊母朱氏尙有二子亦不至待養乏人如此準情節辦照足以昭平允而示矜恤○改山東曹州同知爲曹河同知專管曹汛隄工曹州府管糧通判爲糧河通判管轄曹下汛及單汛隄工裁河南修武縣縣丞設山東曹單管河縣縣丞裁河南考城汛千總設曹單協辦守備○丁卯宜興以偏聽屬員濫行解任以岳起爲江

蘇巡撫全保爲山東布政使完顏岱爲直隸按察使

由河南糧道遷

○撥

安徽江西藩庫銀各五十萬兩補湖北軍需○壬申諭軍機大臣等勒保自任經略以來已及半載於勦辦賊匪機宜總未通盤籌畫惟知安坐達州毫無調度僅將各路軍營所報情形敷衍入奏前據倭什布奏川省賊匪闖入楚省邊界係前月二十四日拜發至今以二十餘日前未據勒保奏及此事茲又據倭什布奏李淑等股賊匪屯聚竹山竹谿房縣交界處所倭什布督率將弁悉力堵禦賊匪直撲副將孫清元營盤意欲北趨襄陽一帶經倭什布派兵堵禦賊匪又復折回乘夜圍撲倭什布營盤被官兵擊退始向西南奔竄而李淑後股賊匪尙屯泉河一帶又有羅半年一股亦接踵入楚爲數不下二萬見經倭什布飛咨勒保速派官兵赴楚協勦可見楚省並無川省派往之兵勒保於事先既未能豫爲

防範縱令羣賊擾及楚境追賊已入楚又不星速派兵前往剿擊
並未將如何籌辦派何人前往會剿之處先行馳奏竟置楚省之
賊於不問又安用此經略爲耶且見在藍城白號賊匪俱已竄入
川北地界亦未聞勒保派兵堵截是勒保竟係擇一無賊處所紮
營株守直與木偶無異不料勒保孤負委任一至於此前因官軍
勦捕日久恐致疲乏節經詢問勒保應否添調官兵勒保以無庸
添兵覆奏復經降旨詳悉開導諭以不可回護前奏致誤事機勒
保仍堅執前說不必添兵朕早料其不足倚仗已據調山西兵三
千盛京兵二千前往接濟今楚省之賊多至二萬而倭什布一路
官兵不過三千有餘則勒保節次所奏不必添兵之說是誠何心
種種玩誤上負 皇考及朕簡用之恩此而不加懲治軍紀安在
勒保著革職拏問所有經署事務著明亮接辦並授爲正紅旗漢

軍都統其四川總督員缺著魁倫署理並派乾清門侍衛春甯安
福色玉俱傳陞一同馳驛前赴明亮軍營著魁倫親齎此旨前往
宣讀明亮接奉此旨將勦辦張漢潮事務交付慶成承保卽同魁
倫前赴達州軍營傳旨將勒保革職等因卽將以上指出各情節
嚴訊勒保定擬具奏並查明由大甯關入楚境之賊本係何人追
勦何以並不上緊趕截縱令入楚一經查實卽將此路帶兵之員
革職等因不可稍有瞻徇○乙亥諭軍機大臣等前此入楚各股
賊匪不知是川省何兵追躡曾經降旨詢問今閱勒保摺始有七
十五德英額呂朝龍三人並派廣東兵九百名在交界堵截之語
此節最關緊要若係勒保派往時卽諭令及境而止不必入楚則
是勒保惟知有川不知有楚經畧之謂何若七十五等三人畏賊
退怯竟以翻人老林誑詭經畧則伊三人之罪更不可追勒保會

否諭令三人入楚協勦亦須明白訊問具奏其另指覆奏賊匪各色稱號賊無忽分忽合各立號記而何賊與何股合夥見竄何地勒保未幾深知所查多未確實在勒保之意總欲回護從前不肯添兵之奏故以賊匪股數無多藉詞支飾此猶係勒保捏奏小節至賊匪有減無增之語實屬有心欺罔試思各股賊匪蔓延數省陝省之平利楚省之竹山竹谿房縣到處被賊蹂躪裹脅日多據倭什布奏入楚之賊已二萬人勒保身為經略各路皆係管轄豈得以川匪竄入楚陝卽謂有減無增耶勒保以此狡詞回護實屬喪心病狂最重之罪實在於此明亮應將此一節會同魁倫向勒保嚴切詢問迅速奏聞又據勒保奏請撥餉銀五百萬兩尤屬荒唐前發去餉銀二百五十萬兩甫經到彼豈一時已全數用去又復請餉五百萬兩全不籌及國計止圖請發多金以爲虛糜侵冒

地步勘保亦自知所請過多故另立賑濟難民名色巧爲蒙混蓋軍需支用有一定則例部中可以按例議駁卽尋常賑濟尙有豫報戶口冊籍可據若投出難民之數任開數十萬名無從覈其多寡是勒保寬欲暗賑濟名色戶將來冒銷之計更屬有心取巧朕素不靳惜帑項曾經降旨以軍營支發兵丁款項總當略爲寬裕儻成功迅速朕必有例外准卹恩旨卽投出難民亦須儘加撫恤務使按名俱有歸著毋令一夫失所原爲體恤兵民起見豈可令帶兵之員各肥囊橐乎並著明亮魁倫一體據實嚴查具奏○革景安伯爵發伊犁效力○免甘肅夥匪滋擾之隴西等十四州縣西固三岔二州同所屬近賊之皋蘭等四十廳州縣及沙泥州判紅水縣丞所屬新舊額賦並民欠籽種口糧○丁丑諭成親王永琨面奏懇辭管理戶部前三庫事務據稱自幼在上書房讀書未

曾閱慮度支出納款項繁多恐難兼顧陳請辭退部務庶於軍機處承旨書諭諸務得以專心辦理且各部俱無總理之人戶部事亦無庸另設總理等語成親王永理自總理戶部以來敬事奉公盡心綜覈即應得捐項飯銀亦不行支領所管三庫均能稽察弊端茲因兼攝職任較繁懇辭再四具見謙抑之懷著俯允所請永理不必總理戶部具戶部三庫事務著另派那彥成管理所有永理定立章程至爲詳妥仍著戶部堂官及那彥成等遵循辦理○辛巳諭各省呈進方物原以備貢資之需見在二十七月之內萬壽聖節並不舉行筵宴無須頒賞所有各督撫及鹽政關差織造應進方物槩行停止呈進若中秋節令外間不過以瓜餅食物酬酢往來內廷並無宴賓之例尤非萬壽及端陽歲除可比嗣後中秋節貢著永遠停止○轉明安爲工部左侍郎以西成爲工部右

侍郎

由太常寺卿遷

○壬午諭軍機大臣等此次張漢潮竄至竹林關與

繼楚兩省交界相隔均二百餘里明亮等既在川陝楚三省交界

屯紮賊匪若竄至鄖陽一帶即可迎頭截殺如直趨商雒一帶偏

近豫省尤當繞前奮擊懲賊匪仍折向南山等處則有礙於永保

自西而東正可趁勢迎勦其時此股賊匪可專交併二人勦辦明

亭與興肇卽帶兵就近取道鄖四速赴竹山竹谿幫同倭什布速

勦李淑徐添德等股倭什布處賊眾兵單待援甚急前添調山西

官兵諒可陸續趕到明亮卽可全行帶領赴楚○江南碭汛那家

壩河溢○甲申撥山西藩庫銀四十萬兩備四川軍需○述德以

年老降補內務府司員調張帥誠爲江蘇按察使完顏岱爲河南

按察使以同興爲直隸按察使

由長遷鹽運使

八月戊子諭昨有湖南廣西候補吏目二人徑至乾清門呈遞奏

摺經奏事處官員駁斥未接仍行據實具奏自以不接爲是此時當廣開言路明目達聰原俾下情無不上達但朝廷設官分職有一定階級等差應否自遞奏章皆係體制所關不容淆混是以降旨封奏者外省自道員以上豈有越分至不應至之地濫行呈奏之理耶況此等人員如果於內外利弊確有所見或別含冤抑急欲訴呈原准其在各衙門封遞直達朕前並不至於壅蔽若不論何項人員皆紛紛赴宮門遞摺尙復成何政體此皆由門禁不嚴該管大小官員因循怠玩不能留意稽查以致外省候補微員徑赴宮門轟越呈遞嗣後禁城內各門出入人員著前鋒統領護軍統領各率所屬之章京等認真稽查按照舊例行走如再有似此越分遞摺之事必將該管大小官員治罪○癸巳富綱丁母憂以去麟爲雲貴總督由喀什噶爾參員大臣遷○甲午免調派盛京吉林黑龍江

兵丁經過州縣額賦直隸自山海關至磁州十分之三河南至朔
北十分之五○乙未勒保奏德榜泰生擒首逆龔文玉賞德榜泰
騎都尉世職兵丁一月錢糧○丙申諭兵部議處違例呈進土貢
之福州將軍慶霖請照違制例革職一摺各省呈進貢物節經降
旨嚴行飭禁見屆八月十三日爲皇考萬萬壽誕辰朕既不能
奉觴稱慶而明歲九旬萬壽又不獲躬率天下臣民祝嘏
臚歡用申孝養每瞻靈几哀慕方深今慶霖乃循照年例呈進
土貢益令朕觸緒增悲殊屬冒昧卽照部議以違制例革職實爲
罪所應得姑念慶霖由侍衛出身擢任將軍心地糊塗於體制不
能諳悉且因兼管閩海關務所進止係土物又屬初次著從寬改
爲革職留任惟是此次慶霖得邀寬宥或外間無識之人妄意前
此飭禁雖奉有明諭而違例呈進其革職處分仍可邀恩留任又

視爲具文遂思僥倖嘗試冀開進奉之門此則有意測探大非朕
此次施恩之意矣從前進貢一事 皇考亦屢經頒諭嚴禁而督
撫等仍開有備物呈遞者 皇考因其既經誦述或賞收一二件
藉聯上下之情然亦甚以爲可厭今朕志先定斷不容臣工等有
賜奉陰違之事朕在藩邸時一切服御起居概從簡樸而親政後
大以崇儉黜華興厚民生而敦儉俗見在宮禁之中所貯珍寶玩
品極爲充牣飢不可食寒不可衣可見此等珍奇止屬無用之物
況外省備進貢物名爲奉上其實藉以營私每次未收之件既可
分餽權要又可歸入私囊而屬員等競事逢迎輒以幫貢爲詞藉
端派累層層巧取以致小民駭削難堪大抵進奉一節最爲吏治
之害此朕所深悉弊端而必加嚴禁者也此次朕之所以寬恕慶
霖者實因伊係武職糊塗所禁止係方物其咎不過冒昧尙非欲

倡爲此舉首先嘗試是以姑免革職儻臣工等誤會朕意欲藉此
營私見好仍冀得免嚴譴則是有意效尤不但照違制例革職必
當重治其罪決不姑寬朕如此披誠訓諭而內外臣工多有不能
深信朕者必欲陷朕以好貨之名快其私憤使其私圖雖係以小
人之腹度君子之心不足與較然朕之善衷亦不可不宣示也至
慶柱在京供職相距伊弟任所較遠慶霖呈進不合之處未經阻
止其咎尚輕著照部議查級准抵免其降調將此通諭知之○免
貴州苗匪滋擾之興義府屬額糧○丁酉撥內庫銀四十萬兩備
河南軍需○戊戌倭什布奏勦捕湖北猓馬河竄匪賞雲騎尉世
職兵丁一月錢糧○辛丑陳用敷以疾乞休允之以荆道乾爲安
徽巡撫方昂爲江蘇布政使成甯爲貴州按察使

由湖南辰沅
永道靖遠

○癸卯派軍機大臣等昨據廣興奏聞明亮曾說從前在金川時伊

與溫福一同帶兵今受伊子勒保節制心實不願若即將張漢潮一股勦盡必須前往四川聽候勦保調度莫若留張漢潮在陝任其往來奔竄藉追勦爲名免致赴川且得專摺奏事又聞永保在留壩華林山地方遇見賊匪永保所帶之兵雖有一千皆係疲乏有將官穆克登布再三阻止不可與賊打仗永保說受主恩深厚既遇賊匪豈有不竭力截殺之理彼時賊匪見官兵在半山駐紮即在山下向上攻撲又另分一股從閒道上山下壓以致官兵被賊匪上下夾攻勢甚危急幸有馬兆端帶兵五百名前來衝擊賊匪見有接應始行散去嗣明亮前來會晤永保責備明亮以華林山打仗時明亮在廢邸關駐紮相隔止七十里何以不帶兵前來救援明亮又責備永保冒昧打仗損折兵將與匪無涉永保要參明亮頗兵不救明亮要參永保敗衄失事彼此大加爭鬧又明亮

至鳳縣時賊匪向北奔竄明亮轉帶兵向南行走聲言繞道迎截其時慶成到彼與永保合兵未赴明亮一路等詔朕又聞從前贛漢潮曾遇乏食向村莊內搜尋並無可掠止覓得桐油卽與賊匪分食充飢遂卽吐嘔困頓經兵勇探知報明帶兵大員而明亮與肇並不往捕又張漢潮曾與賊匪在村莊酣飲臥地經兵勇報知領兵大員亦不迅往擒拏旋被逃脫以上各情節如果屬實則明亮慶成永保竟係挾私縱賊有心玩寇無怪乎意見之不和也著魁倫秉公確查據實具奏不可稍有徇隱又本日祖之望到京據稱湖北辦理軍需查出胡齊崙經手帳簿多係開載領兵大臣犒賞提用及督撫與該道餽送領兵官員款項如明亮慶成永保恆瑞德楞泰舒亮等皆曾得過惟額勒登保一人未經得受是軍興以來所發餉銀七千餘萬竟爲伊等餽送侵肥花消之用湖北一

省經手軍需爲數尙少已有如此弊端何況四川支發軍餉不啻數倍於楚且胡齊崙僅係道員輒以公帑作爲餽送見情何況福甯職分較大總辦糧務如勒保明亮及在營帶兵官員豈有不任意提用作爲餽送籍資結納之理卽如福甯從前曾經致送和珅銀兩朕所深知此時朝中雖無權要有須餽賂之人而督撫等或藉稱實爲名私行提用自肥已稟皆所不免試思國家經費有常今以七千餘萬之帑一任伊等揮霍全不以軍務爲重則賊匪何由得平伊等之意總不過欲藉辦理軍務屢請多發餉銀可以浮冒開銷爲補從前虧缺地步是以有意遷延總不欲勦辦完竣誠恐軍營蔽事則平時虧空悉行破露無可彌縫此實外省積弊最爲可恨今特交魁倫將福甯經手軍需嚴行查覈具平日如何侵用餉銀致送何人並各路帶兵大員如何藉詞犒賞提用若干之